

ТИЖОРАТ БАНКЛАРИ ТОМОНИДАН ХЎЖАЛИК ЮРИТУВЧИ СУБЪЕКТЛАРНИ КРЕДИТЛАШ АМАЛИЁТИНИ ТАКОМИЛЛАШТИРИШ

Ойбек Гуламович Икрамов

Мустақил изланувчи

ARTICLE INFO.

Калит сўзлар: кредит, кредит сиёсати, кредиттга лаёкатлилик, қоплаш коэффициенти, ликвидлилик коэффициенти, муҳторийлик коэффициенти, кредит портфели, муаммоли кредитлар, кредит риски, кредитлардан кўрилиши мумкин бўлган зарарларни қоплашга захиралар.

Аннотация

Мазкур мақолада тижорат банклари томонидан кредитлашни ташкил этиши борасидаги хорижий ва маҳаллий олимларнинг фикр ва хуласалари тадқиқ қилинган, кредитлашни ташкил этишининг меъёрий-хукукий асослари келтирилган.

Шунингдек, мамлакатимиз тижорат банкларининг кредитлар амалиёти, кредит портфели таркиби ва динамикаси таҳлил қилинган. Охирги йилларда мамлакат банк тизимида муаммоли кредитларнинг ҳолати ва ўзгариш динамикаси аниқланган. Муаммоли кредитларни камайтириш бўйича тегишли илмий хуласалар шакллантирилган ва амалий тавсиялар берилган.

<http://www.gospodarkainnowacje.pl> © 2024 LWAB.

Кириш. Кредитлаш жараёни тижорат банкларининг муҳим фаолият йўналишларидан бири ҳисобланиб, ундан самарали фойдаланиш банклар молиявий барқарорлигига бевосита таъсир кўрсатади. Бу ўз навбатида тижорат банкларининг кредитлаш амалиётини доимий таҳлил қилиб, такомиллаштириб боришни тақозо қиласди.

Ўзбекистон Республикаси Президентининг 2020 йил 12 майдаги ПФ-5992-сон “2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида”ги Қарорида “... кредит бюоролари фаолияти, шу жумладан, уларнинг маълумотлар базаларини уй-жой коммунал хўжалик комплекси, солиқ ва пенсия тизимларининг ахборот тизимлари билан интеграциялаш орқали ривожлантириш, автоматлаштирилган скоринг тизими, рақамли идентификациялаш ва кредит конвейеридан кенг фойдаланиш, кредит портфели сифатини яхшилаш” каби муҳим вазифалар белгиланган.[1]

Иқтисодиётни модернизациялаш босқичида республикамиз тижорат банкларининг кредитлаш амалиётидаги айрим муаммоларнинг мавжудлиги кўзга ташланмоқда. Республикализнинг баъзи банкларида муддати ўтган кредитларнинг жами кредит қўйилмалари ҳажмидаги салмофининг ўзгармасдан қолаётганлиги ушбу мавзуни долзарблигини кўрсатмоқда.

Адабиётлар шархи.

Хўжалик юритувчи субъектларга ва аҳолига кредитлар бериш тарихан тижорат банклари фаолиятининг асосий йўналиши ҳисобланади. Тижорат банкларининг пайдо бўлиш тарихига бағишлиланган илмий тадқиқотларга назар ташласак, банклар аввало биринчи навбатда кредит операцияларини бажариш зарурияти туфайли юзага келганлигини гувоҳи бўламиз. Аксарият

муаллифларнинг қарашларига кўра, банклар товар-пул муносабатларининг ривожланиши билан боғлик равища эмас, балки кенг кўламдаги кредит операцияларини амалга ошириш зарурияти туфайли пайдо бўлган.

Тижорат банкларининг кредитлаш амалиётини ташкил қилиш, унинг самарадорлигини таъминлаш хусусидаги масалалар тўғрисида тўхталиб, Д.МакНотон ривожланаётган мамлакатларда кредитлаш амалиётини ташкил қилишнинг зарурй шартларидан бири кредитларни гаров таъминоти асосида беришни одатий ҳол сифатида қабул қилишдир, деган холосага келди. [2]

Иқтисодчи олим И.Трахтенберг фикрига кўра, капиталистик корхоналарнинг фаолияти кредитсиз ривожлана олмай қолган даврда, банклар, тарихий зарурият сифатида юзага келди, шаклланди.[3]

М.Бортникнинг фикрига кўра, тижорат банкларининг юзага келиши ва ривожланишига бағишиланган қатор илмий тадқиқотларда банкларнинг фаолиятида мижозларга ҳисоб-китоб хизматини кўрсатиш кредит операцияларидан кейин юзага келганлиги ўз исботини топган.[4]

Ўзбекистон иқтисодчи-олимларидан Ш.Абдуллаевнинг фикрига кўра, тижорат банкларининг кредит операциялари деганда, маълум шартлар асосида, яъни қайтаришлилк, муддатлилк, тўловлилк шартлари асосида маълум бир миқдордаги пулни (ёки товарни) қарзга бериш жараёнларини амалга ошириш тушунилади.[5]

Профессор Т.Каралиевнинг фикрига кўра, кредитлашни ташкил этиш кредит муносабатларининг икки субъекти-банк (қарз берувчи) ва мижоз (қарз олувчи) нинг ўзаро мажбуриятлари ҳамда манфаатларини уйғунлаштиришни назарда тутади. Тижорат банклари томонидан кредит операцияларини тўла-тўқис олиб бориш улар томонидан кредит сиёсатининг қай даражада тузилганлигига боғлик.[6]

Профессор Ф.Холмаматовнинг тадқиқотларда хўжалик юритувчи субъектларни кредитлашга қўйидагича таъриф берилган: банк томонидан кредит бериш – бу банкнинг кредит операцияини амалга оширишда бир-бири билан боғлик ҳаракатлар тартибга солинган, келишилган, ҳужжатлаштирилган мажмудидир.[8] У кредитлаш жараённида юзага келадиган кредит муносабатларини белгилайди ва тартибга солади. Банк томонидан кредит бериш тизими – кредитор ва қарз олувчи яхлитлиги ҳамда ўзаро фойдалилигини, демак, банк кредит фаолиятининг самарадорлигини таъминлашга қодир бўлган элементлар тузилмасидир.[9]

Юқорида келтирилган фикрларни умумлаштириб, кредитлашга қўйидаги таърифи шакллантириш мумкин: кредитлаш бу- кредитлаш объектлари, кредитлаш методлари, яъни кредитлаш тамойиллари бўйича кредит бериш ва қайтариш усусларига асосланган ҳолда кредитнинг капитал айланишида қатнашиши тушунилади.

Тахлиллар ва натижалар. Республикализ тижорат банклари кредитлаш фаолиятини ташкил этишнинг ҳукуқуй асоси бўлиб, Ўзбекистон Республикаси Олий Мажлиси томонидан қабул қилинган банк фаолиятига тегишли қонунлар, Ўзбекистон Республикаси Президентининг фармонлари, Вазирлар Махкамасининг қарорлари ҳамда Ўзбекистон Республикаси Марказий банки томонидан қабул қилинган меъёрий ҳужжатлар, тижорат банклари ички меъёрий ҳужжатлари ва тартиблари тўплами ҳисобланади.

Кредитлаш операцияларини ташкил этиш, амалга ошириш ва уларни назорат қилиш ҳамда мониторингини олиб бориш бўйича банк томонидан мустақил равища ишлаб чиқиладиган банкнинг кредит сиёсати асосий ҳужжат ҳисобланади.

Банкнинг кредит сиёсати - кредитлаш жараённида юзага келувчи таваккалчиликни бошқаришда банк раҳбарияти томонидан қабул қилинадиган чоралар ва услубларни белгиловчи ҳамда банк раҳбарияти ва ходимларини кредитлар портфелини самарали бошқаришга доир кўрсатмалар

билин таъминловчи ҳужжатдир.

Бозор иқтисодиёти шароитида иқтисодий жиҳатдан мустақил бўлган корхоналарда қўшимча пул маблағларига эҳтиёж юзага келади ва бу эҳтиёж зарур бўлганда банк кредитлари хисобидан қопланиши мумкин. Шу сабабли, бозор иқтисодиёти шароитда кредит ва унинг муҳим элементларидан бири кредитга лаёқатлиликни баҳолашнинг ўрни ва роли муҳим аҳамият касб этади.

Кредитга лаёқатлилик – бу мижознинг молиявий фаолиятига ҳар томонлама берилган баҳо бўлиб, у қарз олувчининг сўралаётган кредитни (асосий қарз суммаси ва у бўйича фондларни) ўз вақтида қайтариш ва бошқа қарз мажбуриятларини тўлай олиш қобилиятини кўрсатади. Корхоналарнинг кредитга лаёқатлилигини аниқлашда турли хил кўрсаткичлардан фойдаланилади. Кўрсаткичлар сони чегараланмаган, яъни қарз олувчининг фаолиятидан келиб чиқсан ҳолда, ҳар бир тижорат банки уни ўзи мустақил аниқлайди. Банклар орқали қарз олувчининг кредитга лаёқатлилигини баҳолаш турлича бўлиши мумкин, лекин уларнинг ҳаммаси маълум бир андозага туширилган молиявий коэффициентлардан фойдаланадилар. Уларга:

- қоплаш коэффициенти;
- ликвидлилик коэффициенти;
- мустақиллик (мухторийлик) коэффициенти, яъни ўз маблағлари билан таъминланиш коэффициенти киради.

Мижоз баланси ва бошқа молиявий ҳужжатларга асосан кредитга лаёқатлилик кўрсаткичлари аниқланади.

Ликвидлилик коэффициенти (Кл) қўйидагида хисобланади:

$$K_{\text{К}} = \frac{1,2 \text{ ва } 3 \text{ гуруҳ ликвид маблағлар}}{\text{қисқа муддатли қарз мажбуриятлари}}$$

Қоплаш коэффициенти (Кк)ни хисоблашда барча ликвид маблағларнинг қисқа муддатли мажбуриятларга нисбати олинади. Қоплаш коэффициенти ликвидли активлар қанчалик даражада қисқа муддатли мажбуриятларни қоплай олиши мумкинлигини ифодалайди. Агар корхонанинг ликвид активлари унинг қисқа муддатли мажбуриятларини 2 ва ундан ортиқ баробар қопласа, субъектнинг молиявий аҳволи шунчалик барқарор ҳисобланади. Баъзи ҳолларда хўжалик субъектлари фаолиятида эҳтиёждан ёки нормативдан ортиқча товар моддий бойликлар (айниқса, мавсумий корхонаналарда) заҳираларининг юзага келиши яхши ишлайдиган корхоналарда ҳам қоплаш коэффициентининг паст бўлишига олиб келиши мумкин.

Ликвидлилик коэффициенти қарз олувчи ўз маблағлари хисобидан қарзниң қанча қисмини тўлай олиш қобилиятини кўрсатади, яъни бу коэффициентдан мижознинг яқин келажакда оператив равишда банкка қарз тўлаб бериш қобилиятини прогнозлаш учун фойдаланилади. Ликвидлилик коэффициенти қанча юқори бўлса, кредитга лаёқатлилик шунча юқори бўлади.

$$K_{\text{Л}} = \frac{1 \text{ ва } 2 \text{ гуруҳ ликвид маблағлари}}{\text{қисқа муддатли қарз мажбуриятлари}}$$

Корхонанинг ўз маблағлари билан таъминланганлиги муҳторийлик коэффициенти умумий корхона баланси пассивининг қанча кисми корхонанинг ўз манбаларидан ташкил топганлигини баҳолайди ва қарз маблағлари ичидаги корхона мустақиллигини акс эттиради.

Молиявий мустақиллик ёки муҳторлик коэффициенти (Км) мижознинг ўз маблағларининг барча маблағлар манбалари ичida тутган салмоғини, яъни корхона фаолиятининг қанча кисми ўз капитали хисобидан молиялаштирилишини кўрсатади ва қуйидаги формула орқали аниқланади:

$$Km = \frac{\text{Ўз маблағлари манбаи}}{\text{Баланс сүммаси}} \times 100 \%$$

Банк учун кредитга лаёқатлилик кўрсаткичлари кредит шартномаси тузилаётганда риск даражасини аниқлаш нуқтаи назаридан мухимдир. Ўз маблағлари манбалари ва унинг ҳажми қанчалик катта бўлса, мижознинг ўз вақтида қарз мажбуриятларини тўлаш қобилияти шунча юқори бўлади. Корхонани кредитлаш учун унинг ўз маблағлари манбалари билан таъминланганлиги 30 фоиздан кам бўлмаслиги керак.

1-жадвал Кредитга лаёқатлилик кўрсаткичларига қараб мижозларни синфларга ажратиш бўйича талаблар¹

№	Кўрсаткичлар	I синф	II синф	III синф
1.	Коплаш коэффициенти (Кк)	Кк>2,0	2,0>Кк>1,0	1,0>Кк
2.	Ликвидлилик коэффициенти (Кл)	Кл>1,5	1,5>Кл>1,0	1,0>Кл
3.	Мухторлик коэффициенти (Км)	Км>60%	60%>Км>30%	30%>Км

Шунингдек, мижознинг молиявий ҳолатини баҳолашда аниқ бир холосага келиш учун кредитга лаёқатлиликнинг асосий кўрсаткичларига қўшимча сифатида кредитга лаёқатлиликнинг қўшимча кўрсаткичлари таҳлил қилинади. Корхонанинг кредитга лаёқатлиликнинг қўшимча кўрсаткичлари асосан мижознинг айланма активлари ҳолатини янада чукурроқ таҳлил қилишни кўзда тутади. Маълумки, қисқа муддатли кредитлар хўжалик субъектларининг айланма активларига берилади. Шунинг учун мижознинг кредитни ўз вақтида банкка қайтара олиш қобилияти ҳам унинг айланма активларидан фойдаланишидаги самарадорлик даражасига қараб белгиланади. Хўжалик субъектлари айланма активлардан қанчалик самарали фойдаланаётган бўлса ва айланма активларнинг айланниш тезлиги қанчалик юқори бўлса, кредитдан фойдаланиш самараси ва уни ўз вақтида банкка тўлаш имконияти ҳам шунчалик юқори бўлиши мумкин.

2-жадвал Тизорат банклари кредит қўйилмаларининг тармоқлар бўйича тақсимланиши²

Кўрсаткичлар номи	01.01.2022 й.		01.01.2023 й.		01.01.2024 й.	
	млрд. сўм	улуши, фоизда	млрд. сўм	улуши, фоизда	млрд. сўм	улуши, фоизда
Жами кредитлар	326 386	100%	390 049	100%	471 406	100%
Саноат	117 639	36,0%	126 647	32,5%	140 152	29,7%
Қишлоқ хўжалиги	35 022	10,7%	42 096	10,8%	47 255	10,0%
Курилиш соҳаси	9 282	2,8%	10 400	2,7%	12 275	2,6%
Савдо ва умумий хизмат	27 406	8,4%	28 911	7,4%	32 516	6,9%
Транспорт ва коммуникация	28 708	8,8%	29 673	7,6%	34 342	7,3%
Моддий ва техник таъминотни ривожлантириши	3 814	1,2%	3 856	1,0%	4 067	0,9%
Уй-жой коммунал хизмати	2 284	0,7%	1 888	0,5%	2 345	0,5%
Жисмоний шахслар	69 496	21,3%	100 949	25,9%	148 621	31,5%
Бошқа соҳалар	32 734	10,0%	45 630	11,7%	49 833	10,6%

¹ Манба: Ш.З.Абдуллаева “Банк иши” ўкув кўлланма Т – 2010 й. 166 бет.

²www.cbu.uz (Ўзбекистон Республикаси Марказий банкининг расмий веб-сайти) маълумотлари асосида тайёрланди

Республикада олиб борилаётган ислоҳотлар натижасида банк тизимида иқтисодиёт тармоқлари фаолияти билан боғлиқ хатарларни имкон қадар мўътадил даражада шакллантиришга ҳаракат қилинмоқда. Лекин шунга қарамасдан ўрганилган давр мобайнида саноатнинг улуши сезиларли даражада юқорилигича қолмоқда. 2012 йил 1 январь ҳолатига 36,0 фоизни ташкил этган бўлса, 2024 йил 1 январь ҳолатига 6,3 фоиз бандга пасайган ва 29,7 фоизни ташкил этган. Шунингдек, жисмоний шахсларга берилган кредитларнинг улуши 21,3 фоиздан 31,5 фоизга қадар ошган.

Ушбу ҳолат банк тизимида кредит рискини ошганлигидан далолат беради. Халқаро экспертларнинг фикрига кўра, бир тармоққа ёки соҳага ажратилган кредитларнинг максимал миқдори 25 фоиздан ошмаслиги тавсия этилади. Мамлакатимиз банк тизимида саноат ва жисмоний шахсларга ажратилган кредитларнинг миқдори халқаро меъёр даражасидан юқори.

Мазкур ҳолатдан келиб чиқиб, тижорат банклари томонидан битта соҳага ва битта тармоққа бериладиган кредитларнинг ҳажмига илғор хориж тажрибаси асосида лимит ўрнатиш ва ушбу лимитга қатъий риоя этиш йўли билан банклар кредит портфелининг оптималь диверсификация даражасини таъминлаши лозим.

Кредит портфелини диверсификация қилишнинг асосий мақсади бир неча йўналишда фаолият олиб борган ҳолда таваккалчиликни камайтириш ва даромадни оширишдан иборатdir. Оқилона амалга оширилган диверсификация банкларнинг универсаллиги ва мустақиллигини хам оширади, чунки банк фаолияти қайсиидир соҳага, тармоққа ёки мижозга боғлиқлик даражаси пасаяди. Бунда бир тармоқдан кўрилган заарни бошқа тармоқдан олинган даромад (фойда) билан ёпиш имконияти пайдо бўлади ва банк фаолиятига ёки молиявий ҳолатига сезиларли таъсир кўрсатмайди.

Мамлакатимиз банк тизимининг самарадорлигини ошириш иқтисодиётнинг реал секторини кредитлашда банкларнинг фаол иштирок этиши билан боғлиқdir. Бироқ, мамлакатимиз тижорат банклари кредитлаш фаолиятини олиб боришида бир қанча қийинчилик ва муаммоларга дуч келмоқда. Айниқса, бугунги кунда тижорат банкларини даромад келтирувчи активларининг асосий қисмини ташкил этувчи кредитлар орасида муаммоли кредитларнинг мавжудлиги сезиларли бўлмоқда.

3-жадвал. Тижорат банкларининг муаммоли кредитлари³ (NPL)

Сана	Кредитлар			Муаммоли кредитлар (NPL)		
	Жами	шундан:		Жами	шундан:	
		давлат улуши мавжуд банклар	бошқа банклар		давлат улуши мавжуд банклар	бошқа банклар
1	2	3	4	5	6	7
01.01.2020 й.	211 580,5	186 630,3	24 950,2	3 169,1	2 809,0	360,1
01.01.2021 й.	276 974,8	244 483,9	32 490,9	5 784,8	5 167,6	617,2
01.01.2022 й.	326 385,6	280 073,6	46 311,9	16 974,0	15 068,8	1 905,2
01.01.2023 й.	390 048,9	324 680,8	65 368,2	13 992,4	12 643,3	1 349,1
01.01.2024 й.	471 405,5	333 298,1	138 107,4	16 621,4	13 267,2	3 354,2


Охирги йилларда республика банк тизимида олиб борилаётган ислоҳотлар республика молия-банк тизимини ривожлантиришга оид хужжатларда белгиланган вазифаларни бажаришга қаратилмоқда ва натижада банк активларининг ҳамда кредитларининг юқори даражада ўсиш тенденцияси кузатилмоқда ва натижада банк активлари ва кредитларининг ўсиш тенденцияси кузатилмоқда.

³www.cbu.uz (Ўзбекистон Республикаси Марказий банкининг расмий веб-сайти) маълумотлари асосида тайёрланди

Мамлакатимиз банклари томонидан берилган кредитлар динамикасини таҳлил қиласиган бўлсак, охирги беш йил мобайнида кредитлаш ҳажми 2,2 марта ошган. 2008 йилда 211,6 трлн сўмни ташкил этган бўлса, 2024 йилга келиб 471,4 трлн сўмга қадар етган. Банк кредитларининг жадал суръатлар билан ўсиши мамлакат иқтисодиётини ўсишда муҳим аҳамият касб этди. Шу билан бирга банклар томонидан берилган кредитларнинг сифати ҳам охирги йилларда ижобий томонга ўзгарди.

Банк кредитларининг ортиши ва унинг сифати банк тизимининг молиявий ҳолатига ҳам ўз таъсирини ўтказади, банкларнинг даромади ошиб, молиявий кўрсаткичларини яхшилаб олиш имконини беради.

Аммо муаммоли кредитлар ҳажми ҳам ортганилигини кўришимиз мумкин. Хусусан, 2020 йилда 3,2 трлн сўм бўлса, 2024 йилга келиб 16,6 трлн сўмга қадар ошган. Бунда давлат улуши мавжуд банкларнинг салмоғи нифоятда катта бўлиб, асосий муаммоли кредитлар айнан ушбу банкларда тўпланганилигини кўриш мумкин. Мазкур даврда давлат улуши мавжуд тижорат банкларининг муаммоли кредитлари 4,75 марта отган, яъни 2020 йилда 2,8 трлн сўм бўлса, 2024 йилга келиб 13,3 трлн сўмга қадар ошган.



1-расм. Муаммоли кредитларнинг жами кредитлардаги улуши⁴, фоизда

Мамлакатимиз банк тизимининг кредит қўйилмалари таркибида муаммоли кредитларнинг улуши 2020 йилда 1,5 фоизни ташкил этган бўлса, 2024 йилга келиб 3,5 фоизга қадар ошган. Айниска 2021-2022 йилларда муаммоли кредитларнинг салмоғи 3,1 фоиздан 5,2 фоиз ва 3,6 фоизга қадар ўсганлигин салбий ҳолат, деб баҳолаш мумкин. 2021-2022 йилларда муаммоли кредитларнинг кескин тортишининг асосий сабаби коронавирус билан боғлиқ чекловлар ва “кредит таътиллари”нинг жорий қилиниши хисобланади. Қолаверса, хўжалик юритувчи субъектларга экспорт ва импорт қилиш имконининг чекланиши ҳам асосий сабаблар сирасига киради. Охирги йилда 0,1 фоиз бандга пасайган ва 3,5 фоизни ташкил этган. Мазкур ҳолат тижорат банкларининг кредитлаш амалиёти билан боғлиқ жиддий муаммолар борлигини кўрсатади. Тижорат банклари кредитлаш сифати ва самарадорлигини ошириш мақсадида жиддий чора-тадбирлар кўриши лозимлигидан далолат беради.

Хулоса ва таклифлар.

Мазкур мақолада амалга оширилган амалий таҳлиллар асосида қуйидагиларни хулоса қилишимиз мумкин:

⁴www.cbu.uz (Ўзбекистон Республикаси Марказий банкининг расмий веб-сайти) маълумотлари асосида тайёрланди

- тижорат банкларининг мижозларни кредитга лаёқатлилигини ифодаловчи кўрсаткичлари асосий ва қўшимча кўрсаткичларга бўлинади;
- хўжалик субъектларини кредитлаш ва уларни мониторинг қилиш Марказий банк ишлаб чиқилкан умумий қоида ва тартиб асосида олиб борилади, бу тижорат банклари кредит сиёсати ва ички кредитлаш тартибида ўз аксини топади;
- рискларни бошқариш тизимининг ривожланиши банк соҳасида активларнинг ўртacha ҳаётйлик даври, диверсификация ва хеджирлаш каби тушунчалар ва асосий молиявий воситаларни вужудга келтирди;
- Республикамиз тижорат банклари халқаро банк иши амалиётида қўлланиб келинаётган моделлардан кенг фойдаланишни йўлга қўйишлари мавжуд рискларни бошқариш тизимининг такомиллашишига олиб келади. Бу эса, ўз навбатида, мамлакатимиз банк тизими фаолияти самарадорлиги ва барқарорлигини таъминлашга муносиб ҳисса қўшади.

Тижорат банкларининг хўжалик юритувчи субъектларини кредитлаш амалиётини такомиллаштириш бўйича қўйидаги таклифларни келтириб ўтишни мақсадга мувофиқ, деб хисоблаймиз:

банкларда кредитлаш билан боғлиқ жараёнларни самарали ташкил этиш, кредит мониторинги тизимини такомиллаштириш;

кредит рискларини олдини олишнинг жаҳонда қўлланиладиган усуллар ва моделларидан мамлакат банк амалиётида кенг фойдаланишни йўлга қўйиш;

банкларда активларни шакллантиришда, хусусан, кредитлаш бўйича халқаро даражада тавсия этилган нормаларга амал қилиш;

банк кредитлари таъминотини доимий назорат қилиб бориш, уларнинг юқори ликвидлилик даражасини таъминлаш;

жаҳон мамлакатларининг бой таржибасини ўрганиб чиқиши, мазкур муаммога эндиғана дуч келган мамлакатлар банк тизимларида олиб борилиши зурур бўлган ислоҳотларни режалаштиришда юқори самара келтириши мумкин.

Хусусан, республикамида ҳам банклар кредит портфелида пайдо бўлган муаммоли кредитларни бартараф этишда улардан фойдаланиш истиқболарини белгилаш мақсадга мувофиқдир.

Фойдаланилган адабиётлар рўйхати

1. Ўзбекистон Республикаси Президентининг 2020 йил 12 майдаги ПФ-5992-сон “2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида”ги Қарори.
2. Д. МакНотон. Банковские учреждения в развивающихся странах. - ИЭР МБРР. - Вашингтон Д.С., 1993.-С.75
3. Трахтенберг И.А. Современный кредит и его организация. - Москва: Л., 1931. -С.191.
4. Бортник М.Ю. Денежное обращение и кредит капиталистических стран. - Москва: Финансы, 1967. -С.47.
5. Ш.З.Абдуллаева. Кредит ва кредитлаш амалиёти. Монография. – Тошкент.: “Иқтисод-молия”, 2017. – 368 б.
6. У.Ў.Азизов, Т.М.Каралиев ва бош. Банк иши. Дарслик. – Тошкент.: “Иқтисод-молия”, 2016. – 768 б.
7. Kubayevich, K. F. . (2024). Current Analysis and Current Issues of Ensuring the Financial Stability

of the Banking System in Uzbekistan. EUROPEAN JOURNAL OF BUSINESS STARTUPS AND OPEN SOCIETY, 4(3), 169–176.

Retrieved from <https://inovatus.es/index.php/ejbsos/article/view/2681>

8. Xolmamatov, F. (2023). Bank tizimi barqarorligini oshirishda kredit risklarining ahamiyati va ularni kamaytirish yo'llari. YASHIL IQTISODIYOT VA TARAQQIYOT, 1(9). Retrieved from <https://yashil-iqtisodiyot-taraqqiyot.uz/journal/index.php/GED/article/view/953>
9. Xolmamatov, F. (2024). Banklar moliyaviy barqarorligini ta'minlashda bank zaxiralaridan kompleks foydalanish zarurati va amaliyoti. YASHIL IQTISODIYOT VA TARAQQIYOT, 1(8). Retrieved from <https://yashil-iqtisodiyot-taraqqiyot.uz/journal/index.php/GED/article/view/952>
10. Kholmamatov Farkhodjon Kubayevich, Rakhmatov Azizjon Jaloliddinovich, Maqsudov Bunyod Abdusamat ugli, Sayfullayev Sirojiddin Soli ugli,. (2020). Econometric Analysis of Factors Affecting Commercial Bank Lending. International Journal of Advanced Science and Technology, 29(9s), 2160 - 2166. Retrieved from <http://sersc.org/journals/index.php/IJAST/article/view/14550>
11. ТИЖОРАТ БАНКЛАРИДА ЛИКВИДЛИЛИК РИСКИННИ БОШҚАРИШ АМАЛИЁТИНИ ТАКОМИЛЛАШТИРИШ ОРҚАЛИ МОЛИЯВИЙ БАРҚАРОРЛИГИНИ ТАЪМИНЛАШ: Yangi O'zbekiston taraqqiyotida tadqiqotlarni o'rni va rivojlanish omillari. (2024). Yangi O'zbekiston Taraqqiyotida Tadqiqotlarni o'rni Va Rivojlanish Omillari, 5(1), 375-382. <http://pedagoglar.org/index.php/04/article/view/1120>